

eorum quos posuit Spiritus Sanctus regere Ecclesiam Dei, et fideles illis commissi in simplicitate cordis mandatis eorum obedire delegant.

Datum ex ædibus nostris Archiepiscopalibus Torontinis sub signo sigilloque nostris ac chirographo Secretarii nostri, Festo Ascensionis Domini, Anno millesimo octingentesimo septuagesimo quinto.

† JOANNES JOSEPH LYNCH,
Archiepiscopus Torontinus.

De Mandato Illmi. et Revmi. Archiepiscopi.

JOSEPH. J. MCCANN, Presr. Secretarius.

Edictum Valvis Ecclesiæ Metropolitanæ affixum Quod felix fsustumque sit, Religioni ac Rci Catholicæ Bene Vertat.

Concilium Primum Torontinum, per Revm. Dm. Joannem Lynch, Archiepiscopum Torontinum, decreto facto, sancito, promulgato, indictum et convocatum die Dominica XIX. post Pentecosten, quæ dies vigesima sexta mensis Septembris presentis anni, in æde metropolitano Torontina, inchoabitur, habebitur, celabrabitur.

Ex Mandato Illmi. ac Revmi. Archiepiscopi,

JOANNES SHEA, Cancellarius.

Acta (abbreviata) Primi Concilii Torontini.

Prima Congregatio privata.

Juxta decretum Indictionis die sexta Maii festo Ascensionis Domini Nostri, Anno Domini millesimo octingentesimo septuagesimo quinto, ab Illustrissimo ac Reverendissimo, D.D. Joanne Josepho Lynch, Archiepiscopo Torontino datum, convenerunt die vigesima quinta Septembris, millesimo octingentesimo septuagesimo quinto, hora sexta post meridiem in ædibus